



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA

MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural

PDR 2014_2020 DE GALICIA

PROGRAMA DE DESENVOLVEMENTO RURAL

Medida 6

Desenvolvemento de explotacións agrícolas e empresariais

Submedida 6.3

**Axuda destinada á creación de empresas para o
desenvolvemento de pequenas explotacións**



Índice

1.	<u>Medida 6. Desenvolvemento de explotacións agrícolas e empresariais</u>	2
1.1.	<u>Submedida 6.3 Axuda destinada á creación de empresas para o desenvolvemento de pequenas explotacións</u>	2
1.1.1.	<u>Que tipo de actuacións se financian?</u>	3
1.1.2.	<u>Quen pode solicitar esta axuda?</u>	3
1.1.3.	<u>Como se outorga a axuda?</u>	3
1.1.4.	<u>Que requisitos se han de cumprir para recibir a axuda?</u>	3
1.1.5.	<u>Que criterios serán utilizados para a selección?</u>	5
1.1.6.	<u>A canto ascende esta axuda?</u>	5
1.1.7.	<u>Quen xestiona esta axuda?</u>	6
1.1.8.	<u>Marco normativo</u>	6
1.1.9.	<u>Documentos e ligazóns relacionados</u>	6

1. Medida 6. Desenvolvemento de explotacións agrícolas e empresariais

En virtude desta medida preténdese favorecer a creación de empresas e o desenvolvemento e aumento da competitividade das explotacións, especialmente aquelas lideradas por agricultores mozos. É fundamental asegurar a substitución xeracional do sector agrario, así como a fixación da poboación en zonas rurais co fin de evitar o grave problema do despoboamento e o envellecemento do medio rural galego.

Os indicadores demográficos demostran o grave problema de despoboamento e envellecemento que sofre Galicia, moi especialmente nas zonas rurais do interior. A solución non é sinxela e require de apoios múltiples que pasan por mellorar as posibilidades de emprego e dotar ás zonas rurais de servizos que as fagan atractivas para a poboación, particularmente para a poboación nova.

A incorporación da poboación nova e capacitada ao sector agrario, o apoio ás pequenas explotacións, a diversificación da actividade económica, a creación de novas empresas, o apoio a microempresas e pequenas empresas non agrícolas, así como a extensión da rede de banda ancha ao total do territorio rural son elementos imprescindibles de desenvolvemento que fomentan a creación de emprego e, por tanto o asentamento poboacional.

Para lograr estes obxectivos, o Programa de Desenvolvemento Rural de Galicia 2014-2020 pon en marcha catro submedidas:

- ✓ Submedida 6.1 Axuda á creación de empresas para os agricultores mozos
- ✓ Submedida 6.2 Axudas destinadas á creación de empresas para actividades non agrícolas en zonas rurais
- ✓ Submedida 6.3 Axuda destinada á creación de empresas para o desenvolvemento de pequenas explotacións
- ✓ Submedida 6.4 Axuda para os investimentos na creación e desenvolvemento de actividades non agrícolas

En todos os casos consideraranse como criterios de prioridade os investimentos en proxectos innovadores recoñecidos no marco da AEI e as procedentes de iniciativas de cooperación e desenvolvemento local.

1.1. Submedida 6.3 Axuda destinada á creación de empresas para o desenvolvemento de pequenas explotacións

O obxectivo desta medida é apoiar ás explotacións agrarias galegas na posta en marcha de novos proxectos que xeren creación de emprego.

1.1.1. Que tipo de actuacións se financian?

Apóianse aquelas actuacións recollidas nun plan empresarial e levadas a cabo por pequenas explotacións agrarias inscritas no rexistro de explotacións agrarias de Galicia (REAGA). Enténdese por pequenas explotacións agraria aquelas cuxa renda unitaria de traballo (RUT) atópese entre os seguintes parámetros:

- ✓ A RUT mínima que se obteña será igual ou superior ao 15% da renda de referencia.
- ✓ A RUT máxima que se obteña será inferior ao 35% da renda de referencia.

A concesión da axuda condiciónase á presentación dun plan empresarial que, polo menos, inclúa os contidos mínimos determinados no Regulamento delegado (UE) 807/2014 da Comisión: situación inicial da explotación agrícola e detalle das actuacións, incluídos os relacionados coa sustentabilidade ambiental e a eficiencia dos recursos, que facilitarían a consecución da viabilidade económica, tales como investimentos, formación, asesoramento.

1.1.2. Quen pode solicitar esta axuda?

Poderán ser beneficiarias as persoas físicas ou xurídicas titulares dunha explotación que reúna os requisitos establecidos para a súa consideración como “pequena explotación”.

1.1.3. Como se outorga a axuda?

A axuda terá carácter de pago a tanto alzado e concederase pola execución do plan empresarial ou plan de negocio que terá unha duración de 18 meses.

A axuda pagarase en dúas cotas:

- ✓ Unha primeira, correspondente a un 60% do importe da axuda, cando acredite o inicio das actuacións incluídas no plan empresarial nun prazo máximo de 9 meses contados desde a notificación da concesión da axuda;
- ✓ O importe restante, cando se consigan os obxectivos do plan empresarial, como máximo ata os 18 meses desde a notificación de concesión da axuda.

1.1.4. Que requisitos se han de cumprir para recibir a axuda?

Para acceder a axuda, requírese o cumprimento das seguintes condicións:

- ✓ Ser titular dunha pequena explotación agraria inscrita no rexistro de explotacións agrarias de Galicia.
- ✓ Residir na comarca onde radique a explotación ou nas comarcas limítrofes definidas pola lexislación autonómica sobre organización territorial.
- ✓ Que a explotación requira un volume de traballo equivalente, como mínimo, á metade dunha unidade de traballo agrario imputable ao titular da explotación. Esta metade da



unidade de traballo agrario manterase durante os cinco anos posteriores ao pago final da axuda, xunto co resto de compromisos que adquire o beneficiario da axuda.

- ✓ Presentar un plan de empresarial que mostre a viabilidade da iniciativa. O plan comezará a aplicarse dentro dos nove meses seguintes á data en que se adopte a decisión pola que se concede a axuda. Deben ser proxectos viables financeiramente e axustarse á normativa sectorial correspondente (comunitaria, estatal e autonómica) e o promotor non debe estar suxeito a situación ou procedemento xurídico e/ou administrativo que o inhabilite para poder optar á subvención.

O plan empresarial deberá estar iniciado como máximo aos nove meses da data en que se adopte a decisión pola que se concede a axuda.

Deben ser proxectos viables financeiramente e axustarse á normativa sectorial correspondente (comunitaria, estatal e autonómica) e o promotor non debe estar suxeito a situación ou procedemento xurídico e/ou administrativo que o inhabilite para poder optar á subvención.

O plan deberá reflectir o grao de viabilidade económica e incluírá como mínimo os seguintes aspectos:

- ✓ Unha descrición da situación inicial da explotación agrícola, con indicación das fases e obxectivos concretos de desenvolvemento das actividades da nova explotación.
- ✓ Unha descrición da situación unha vez levado a cabo o plan de empresa, comprendendo, polo menos, os seguintes datos:

Superficie da explotación, especificando a dos distintos cultivos, e cabezas de gando, por especies, e rendementos medios de cada actividade produtiva

Maquinaria, equipo, melloras territoriais e edificios

Composición e dedicación da man de obra familiar e asalariada

Plan de produción, que incluírá información relativa á produción bruta de cada actividade produtiva, aos gastos de cada actividade produtiva e gastos fixos do conxunto da explotación

Estimación de RUT y UTA (segundo a definición destes parámetros establecida no Decreto 200/2012, do 4 de outubro, polo que se regula o Rexistro de Explotacións Agrarias de Galicia)

- ✓ Un plan de investimentos (información pormenorizada sobre investimentos e prazos), de ser o caso, no que se indiquen as melloras para realizar, no que se estableza o seu impacto sobre o cambio climático (emisións de efecto invernadoiro, capacidade de adaptación), inclúa medidas de aforro e eficiencia enerxética, consumo eficiente de auga,... e no que figure un estudo de impacto ambiental, no caso de que a normativa europea-estatal-autonómica así o esixise, que preste especial atención aos posibles impactos nas zonas incluídas en Rede Natura 2000.



- ✓ Información pormenorizada, de ser o caso, sobre formación, asesoramento ou calquera outra medida necesaria para desenvolver as actividades da explotación agrícola, incluídas as relacionadas coa sustentabilidade ambiental e a eficiencia dos recursos.

A revisión do plan empresarial farase durante os 5 años seguintes á data do pago final da axuda e consistirá en comprobar o mantemento das condicións do plan empresarial e unha avaliación dos progresos e previsións recollidos no mesmo.

As operacións non deben estar iniciadas na data de presentación da solicitude e deben desenvolverse no ámbito xeográfico das zonas definidas como rurais de Galicia. Ademais deben ser finalistas e cumprir os obxectivos para os que foron aprobados no momento da certificación final, non admitíndose fases de proxectos.

1.1.5. Que criterios serán utilizados para a selección?

Aplicaranse criterios de selección de maneira obrigatoria, mesmo nos casos en que o orzamento da convocatoria sexa superior á demanda de financiamento. Os criterios de selección deberán estar claramente definidos antes do inicio do proceso de solicitude para garantir a igualdade de trato de todos os posibles solicitantes. En xeral, para cada criterio de selección outórganse puntos e a puntuación total da aplicación debe ser a suma dos puntos de todos os criterios de selección que se satisfagan. No proceso de resolución das solicitudes fixarase un limiar mínimo de puntos que debe alcanzar unha solicitude para acceder á axuda.

En todo caso darase prioridade aos investimentos en proxectos innovadores e no marco de iniciativas de cooperación financiadas a través da medida 16 do programa.

E en particular priorizaranse:

- ✓ A instalación de pequenas explotacións en zonas de montaña, definidas segundo o establecido no artigo 32 do Regulamento (UE) 1305/2013
- ✓ Explotacións con orientación á horticultura ou froiticultura como orientación produtiva principal
- ✓ Explotacións con produción ecolóxica

1.1.6. A canto ascende esta axuda?

A axuda será de 15.000 euros.

As axudas correntes pagaranse en dúas cotas: unha primeira, correspondente a un 60% do importe da axuda, cando acredite o inicio das actuacións incluídas no plan empresarial, nun prazo máximo de 9 meses contados desde a notificación de concesión da axuda; o importe restante, cando se consigan os obxectivos do plan empresarial, como máximo ata os 18 meses desde a notificación de concesión da axuda.

1.1.7. Quen xestiona esta axuda?

Esta axuda será xestionada pola Subdirección Xeral de Explotacións Agrarias da Dirección Xeral de Gandaría, Agricultura e Industrias Agroalimentarias da Consellería do Medio Rural.

1.1.8. Marco normativo

- ✓ Regulamento (UE) N° 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP
- ✓ Regulamento (UE) N° 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Regulamento Delegado (UE) N° 807/2014 da Comisión, do 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias
- ✓ Lei 19/1995, de 4 xullo, de Modernización das Explotacións Agrarias
- ✓ Lei 9/2007, do 13 de xuño, de subvencións de Galicia
- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia
- ✓ Decreto 200/2012, do 4 de outubro, polo que se regula o rexistro de Explotacións Agrarias de Galicia
- ✓ Lei 14/2013, do 26 de decembro, de racionalización do sector público autonómico

1.1.9. Documentos e ligazóns relacionados

- ✓ Nota Técnica 1: Agricultor activo e actividade agraria (Ministerio de Agricultura, Pesca y Alimentación)
http://www.mapama.gob.es/es/agricultura/temas/pac/ficha_1_170307_tcm30-379799.pdf
- ✓ Para obter máis información, consulte a sección 8.2.5.3.3 do Programa de Desenvolvemento Rural de Galicia 2014-2020.